

\id 1TI

\c 2

\s Nuik: Dewi pu genang tap

\r 1 Timotius 2:1-7

\p

\v 1 Dem Timotius.

Ngge kalik go-a banim se semu:

“Sikabung go wali naklay suey genang, dewi se pupu!

Ngge kalik se: Ki Wali Iram sik sogo ngengam-yakay teguop pung genang.

Ngga ey, taiti suey se keklak dali.

\v 2 Nggano, wengkabui-wengkabui,

iram, trang-bemey, nemotnang sogo dewi se pupu dali.

Ngge kalik gabe: Kukunan blo nogo imot nogo wali tema,
nemotnang lo klik genang!

Ngga ey, imot go wali suey go-a, yakot so suing-lak go,

Ki Wali Iram sik sogo seguong nogo dabui-a iti go,

nggano sikabung ey go ngengam so suing-lak genang.

\v 3 Seni so, wali ngga kalik go, suey.

Ki Wali Iram, imot so susuoy go suong ku nogo, teguop dato.

\v 4 Yang! Ki Wali Iram go duduing:

Sedue kabung naklay, wali susuoy genang,

Iram Yesus logo wali tap seni ey go senong go se mlak.

\v 5-6 Ngga nang sogo, wali tap seni, se senong:

- Ki Wali Iram, dui ey klaykim got-ton.
- Nggano, Ki Wali Iram sono tandali sikabung ngengam keduik genang sogo dikuoy tap klaya dali: Iram Yesus-a klay Duo.
- Kukunan sikabung go ide-way lek genang so,
Blong Dem go wali dui ey iti go, kin mo pi.
- Blong Dem ibe no taling go ngga,
Ki Wali Iram lo duing go ku suey gono mo lemoy gabe.

\v 7 Yang, Deguo Teguo seni ey go ngganemot

saula-saula nogo nguok klong genang tamot so, genam mo mot-dak.

Ngge seni so gabe, wamoy kua pen-atugu.

Yangga: Yesus, Iram sogo, sikabung no taling go,

wali tap seni sogo nguok klong genang, genam gabe mot-dak.

\s Nuik: Dewi so degut go nogo tap

\r 1 Timotius 2:8-15.

\p

\v 8 Ayanang se tup! Dewi degut go nogo mang, ngge kalik gabe kiking:
Dewi yap no dedegut go, piam kua go ta-a, blo no iti go
dabui piam kua goso, Ki Wali Iram nogo dewi, suey so motnang se keklak!

\p

\v 9 Mianang-kabung, amka suey go, suey so ikum go-a se kok.
No, ngge kalik go ya kua:
betodop srem ey kut go,
srem bumeno-bumeno, emas lo semu go,
nguoy-un-dan, amka duoy blo sogo lo iti go,
saysuk temoy no kok go, Ki Wali Iram nogo, seni kua!

\v10 Ki Wali Iram no dabui iti go kabung logo
dabui ba srem-a, tasam suey golo, semu go ey se!

\p

\v 11 Mianang-kabung! Wali tap ngunguok go nogo,
keng-duduk so, ta kong ey yakot so se!

\p

\v 12 Se tup! Sedue go da, kabung logo yakua suing.
Ngga tang so, sedue-a kabung logo ibe blo nogo ya kua nguok.
Ngga kalik go genam kua duing.
No, kabung-a, sedue ba no nemot go sip no se suing!

\v 13 Se duing: sikabung so Ki Wali Iram lo semu-ngam go nogo,
Adam-dem-a, sedue so banim semu-ngam gono,
Epa-debui-a kabung so gemang semu-ngam dali.

\v 14 Se duing dali:

Banim nogo kon ba no Adam dem-a, Lema lo kua lek go kenong gabe.
No, Epa-debui-a, Lema lo lek go, kon ba nogo gabe pui.
Ngga kalik semu go tang so, Ki Wali Iram lo sak kok go demu ,
kabung lo mo seguoy.

\v 15 No, wali tap ngge, kabung se senong:
Iram Yesus no dabui lo waysagi ey mlak go,
wali-klum dabui-a wegeng ey se koklong.

Ngga ey, duduing-blong-alay klaya seguong, Ki Wali Iram sono dabui se iti.
Kabung ngga suey so keng go nogo, duo tui genang sogo nebuem nebit,
Ki Wali Iram lo susuoy wali genang yay mea suing.